

AD  
*RECENSIONEM*  
BULLARII ROMANO-SVEOGOTHICI,  
A NOBIL. A CELSE EDITAM,  
ACCESSIO.

CUJUS PARTEM VIII,  
CONS. FAC. PHILOS. R. ACAD. ABOËNSIS,  
PRÆSIDE

*Mag. HENRICO GABRIELE  
PORTHAN,*

*Eloq. Professore Reg. & Ord. Equ. Ord. R. de Stella Polari, R. Acad. Litt.  
Human. Hist. & Antiquitt. R. Societ. Sc. Upsal. &c. Socio,*

*Publicæ bonorum censuræ submittit  
JACOBUS WEGELIUS, Es. Fil.  
Ostrobothnensis,*

*In Audit. Minorī die XI Junii MDCCC,  
H. A. M. S.*

---

*ABOÆ, Typis Frenckellianis.*

# THESES RESPONDENTIS.

## THESIS I.

**Q**um valde referat, non modo quam multas ideas colligamus, sed etiam quales, quo ordine & quanta diligentia formatas atque impressas, qualesque earum series asfociationis auxilio in animo nostro condamus; vel hinc patet, quanti sollicita sapiensque educatio in ingenii animique quasi forma singenda, haberi debat momenti.

*Thef. II.* Cum magna pars idearum nostrarum, ac in primis universales illae atque abstractæ, sine ope verborum cogitari & in mente conservari nequeat; recte dicitur, homines aliqua semper lingua, ut loqui ita cogitare necesse habere. Unde facile patet, quantæ necessitatis sit studium excolendæ & perficiendæ lingvæ vernaculae, quamque sit absurdum, homines ad usum hujus abjiciendum & peregrinæ advescendum eogere, aut vulgum alia quam patria sua lingua docere Religionem velle.

*Thef. III.* Licet omnes res, a summo Numine primum communi omnium hominum usui fuisse concesfas, certum sit, nulli certa earum parte definite assignata; hinc tamen non sequitur, ut hominibus jns non fuerit ab illa communione recedendi, & res proprias sibi vindicandi. Nec communio illa rerum Monastica, in qua superstitione singulari quoddam vitæ sancte degendæ subsidium sibi invenisse olim putavit, vel rationi vitæ humanæ vel felicitati generis nostri convenit.

*Thef. IV.* Neque minus inconsulta eorum est ratio, qui fundorum omnium prædiorumque dominium haereditarium nuperis etiam temporibus reprobare instituerunt.

*Thef. V.* Ad ym atque sanctitatem Juramentorum in animis hominum augendam pertinere, ut neque nimis frequenter aut in levioribus causis, neque sine solenni quodam apparatu adhibeantur, haud temere monetur.

*Thef. VI.* Cœlibatus Cleri Pontificii, ut superstitioni & errori hominum natales debuit, ita calido Hierarcharum & Papæ maxime consilio, in primis fuit promotus, atque ordini Sacerdotum, non minori Reipublicæ quam horum incommodo, obtrufus.

*Thef. VII.* Licet idoneæ utique svadeant rationes, ut Benedictionis Sacerdotalis ritus ruptis solenniter ineundis adhibeat; valde tamen imprudenter inde Magistratus civilis persuaderi sibi olim pasus fuit, ut omnis cognitorum matrimonialium suo foro eriperetur, atque Hierarcharum subjeceretur potestati;

omnem pecuniam de censu beati Petri, Ecclesiæ Romanæ in Regno Svetiæ debito, jam collectam diligenter gerant, rationes ejus ab exactoribus severè poscant, & de summa recepta Pontificem quotannis certiorem reddant (m). — Ex originali Bulla Johannis XXII in pergamento, in Archivo Secreto Vaticano.

5. *Israeli Episcopo Arosiensi. Avinione Nonis Maii A. III* (d. 7 Maij 1319). Absolvit Papa Episcopum ab officio cui se juramento obstrinxerat, Apostolorum limina (Curiam Papalem) singulis trienniis personaliter visitandi; dummodo hujusmodi visitationem realiter faciat. — Ex Reg. Literar. Apostolicar. Johannis P.P. XXII, A. III Ep. 1239.

6. *Magistro Bernardo de Monte Valrano, Achidiacono Sicalonie in Ecclesia Bituricensi, Apostolice Sedis Nuntio. Ibid. II Kalendas Februar. A. VI* (d. 31 Jan. 1322). Cum Ecclesia Roskildensis Episcopo careret, & Papa reditus ad mensam Episcopalem ejus Ecclesiæ pertinentes, dispositioni suæ & Apostolicæ Sedis interim duxerit reservandos, Nuntio suo injungit negotium, per se vel per alios, reditus illos Romanæ Ecclesiæ nomine exigendi & accurate recipiendi. — Ex Registro Epistolar. Secretarum Johannis XXII, A. VI, N:o 277.

7. *Eidem. Ibidem II Kalend. Aprilis, A. VI* (d. 31 Mart. 1322) Specialis ei potestas committitur, annum censum, qui *Denarius b. Petri* vocatur, in Regno Sveciæ petendi, colligendi, exigendi & recipiendi, per se vel per alios, a personis & ecclesiasticis & secularibus, cujuscunque status, ordinis, conditionis vel dignitatis existant, tam pro tempore præcedente quo solutus non fuit, quam etiam in posterum, usque ab beneplacitum Apostolicæ Sedis;

K

(m) LAGERBRING l. c. P. III C. II §. 7.

dis; atque ad eam rem perficiendam auctoritatem & severitatem necessariam adhibendi. — Indid. N:o 276.

8. Johanni de Serone, Priori Fratrum Ordinis Predicatorum de Figiaco, & Magistro Bernardo de Ortulis Rectori Ecclesie B. Marie de Novalibus, Caturcensis & Electensis Dioecesum, in Suetie & Norvegie Regnis Apostolice Sedis Nunciis. Ibid. Idibus Octobris A. XI (d. 15 Oct. 1326). Retulerat Papæ Johannes Archidiaconus Lineopensis, pro parte Episcopi (Caroli II) & Capituli ibidem, illam Dicecesin adeo esse diffusam, & distinctam Maris Insulis (*n*), stagnis multis & magnis, locis paludosis, vastitate nemorum & difficultate viarum, ut ad certa loca accessus non pateat nisi certis anni temporibus, nec tunc frequenter nisi cum magna mora, ob contrarietatem ventorum ibidem vigentium: quamobrem non potuit eam ex juris præscripto visitare. Præterea redditus ecclesiastici erant in partibus illis tenues & exiles, ac Rectores Ecclesiarum pauperes & ad solvendum Procurationes Episcopales insufficientes. Quapropter mos invaluerat, ut Episcopus de duabus vel tribus parrochiis ad unam vicinam Ecclesiam populo convocato, in ea expensis propriis visitationis officium exerceret, percipiens a Rectoribus Ecclesiar. quandam moderatisimam pensionem pecuniarum, ibidem Cathedricum nuneupatam, secundum valorem fructuum earundem Ecclesiarum antiquitus prætaxatam, quæ per V vel VI annos collecta vix valorem unius procurationis præsentis temporis attingebat. A qua quidem consuetudine Laurentius (II) proximus Episcopi Prædecessor recesferat, extorquens apud singulas Ecclesias tempore visitationis procurationes in victualibus a Rectoribus earundem, in ipsorum grave dispendium; Carolus autem, a Rectoribus Ecclesiarum pluries cum instantia requi-

quisitus, tandem ipsorum paupertati compatiens, consenserat prædictam resumere consuetudinem & servare, si illa a Pontifice approbaretur; cum interim inquisitio & correctio sufficientes fiant per Præpositum, Decanum & Archidiaconum Ecclesiæ Lin copensis, visitationis officium exercentes, nec non & XV officiales foraneos, qui Præpositi Rurales vocantur, ibidem in singulis territoriis vices gerentes Episcopi. Quare Episcopus, Capitulum & Clerus petierant, ut Papa vel dictam confirmaret consuetudinem, vel permitteret, ut communi consensu aliam rationem constituerent, quæ sine cuiusvis gravamine posset rationabiliter observari. Mandat igitur Nuntiis suis Papa, ut diligenti habita inquisitione, de hac re eum accurate informent (*o*). — Ex Registro Literar. Apostolicarum Johannis P. P. XXII, A. XI. P. i Ep. 94.

Bullæ igitur huic, ab *Eraldo (p) de Vernemo* Canonico Lin copensi publice sibi (a. 1328, d. XIV Februarii) Lin copiæ exhibitæ (quo se hanc ob rem contulerant) obsequentes, Nuntii testes in hæ causa plurimos (*q*) examinabant, in allata ab Episcopo & Capitulo, atque in literis Papalibus repetita, septem illius momenta sigillatim inquirentes, eaque veritati consentanea

K 2

fuis-

(*o*) Cfr. quæ supra allata sunt p. 6 N:o 3; p. 21, N:o 2 & 3; ac p. 44 N:o 26.

(*p*) An *Haraldo?*

(*q*) Inter quos comparent *Bero* Præpositus Lin copensis, (qui Episcopis *Henrico*, *Laurentio* & *Carolo* in visitationibus comes fuerat), testatus Episc. *Laurentium* mandato Papæ (*Bonifacii VIII*), ut quamlibet Ecclesiam Dioceesis suæ personaliter visitaret, obsequenter, a priori consuetudine recessisse; *Marcus* Canonicus & Sacrista Lin copensis, *Johannes* Guardianus Fratrum Minorum Lin copensis, *Johannes* Prior Ordinis Fratrum Prædicator. de Skanigia, *Ericus Miles Regis*, Legifer Smalandiæ, *Joannes* Guardianus Fratrum Minor, de Junecopia, &c.

fuisse, reperientes. Super qua re instrumentum accuratum a Notario Publico (Durando de Ciceris) consici atque auctoritate debita communiri, fecerunt. Cujus exemplum, *ex autographis membranis in Archivo secreto Apostolico Vaticano servatis descriptum*, Bullæ Pontificis laudatæ adjunctum habetur.

9. --- Decano & ---- Archidiacono Ecclesie Upsalensis. *Ibid. secundo Nonas Octobris Anno XII* (d. 6 Octob. 1327). *Botvidus*, Rector Ecclesiæ de *Vestra Hanungi Strengianensis Dioecesis* apud Papam questus fuerat, se ab Episcopo suo (*Styrberno*) eadem ecclesia arbitriarie & inique fuisse spoliatum, ac licet Præpositus Upsalensis, vi literarum a Papa sibi ea de re misserum, eundem *Botvidum* muneri restituisset, Episcopum tamen eum appellatione ad Papam interjecta, inde rufus deturbasse. Quamobrem Decano & Archidiacono Papa mandat, ut rem sumario procesu dijudicent, & necessarium Botvido opem præsentent. — Indid. A. XII, P. I Ep. 148.

10. *Fratri Sturberno Episcopo Strengianensi. Novemb. A. XII* (d. Nov. 1227). Monetur, ut *Botvidum* Rectorem Ecclesiæ de *Vestrahunungi* favorabiliter tractet, & ab eo laedendo desistat. — Indid. A. XII T. 6 Ep. 1598.

11. (Carolo) Archiepiscopo Lundensi. *Avinione V Kalend. Januar.* (d. 28 Dec. 1227). Quum *Israel* Episcopus Arosiensis in ætate decrepita constitutus, adeo senio prægravaretur, ut quasi jenimortuus ac rationis quodammodo usu privatus, circa administrationem spiritualium & temporalium Arosiensis Ecclesiæ inutilis eset effectus, ita ut eadem jam fere quinquennium necessaria gubernatione pastoris sui careret, laico seculari inde ad gubernationem ejusdem ecclesiæ manus suas extendente atque clerum immiserit corditer talliente; Papa necesarium judicavit *Egismum Birgeri*, Or-

*Ordinis Fratrum Prædicatorum*, virum literarum scientia prædictum, in magnis & arduis agendis expertum, ac propter gratia obsequia quæ Apostolicæ Sedi præstítit in eis fideliter laborando, ei acceptum, in spiritualibus providum & temporalibus circumspectum, qui per diligentiae studium & ministerium suorumque potentiam & favorem, utpote de illis partibus oriundum, esse posset plurimum fructuosus, *Israeli* Coadjutorem adjungere. Quare Archiepiscopo Lundensi mandat, ut curet eundem ab Episcopo recipi, atque a Capitulo, Clero & populo Diœcesis ejusdem ecclesiæ agnosci, alienatione quorumcumque bonorum immobilium ejusdem ecclesiæ sibi penitus interdicta. — Indid. A. XII, P. I Ep. 632.

12. *Ad futuram rei memoriam.* L. a. & d. iisd. (d. 28 Dec. 1227). Cupiens Arosiensis Ecclesiæ regimini, quam primum eam per cessionem vel mortem *Israeli* Episcopi vacare contingeret, per Apostolicæ Sedis providentiam, idoneam personam præficere, suæ illam dispositioni Papa reservat. — Indid. A. XII P. I Ep. 633.

13. *Egislo Episcopo Arosiensi.* Ibid. Idibus Maji A. XIII (d. 15 Maji 1229). Episcopus in locum mortui *Israeli* constituitur, postquam per *Guillelmum* Episcopum Sabionensem consecratus fuisset (r). — Indid. A. XIII P. I Ep. 235<sup>1</sup>.

14 — 18. *Capitulo Ecclesie Årosiensis; Clero Civitatis & Dioecesis Arosiensis; Populo Civitatis & Dioecesis Arosiensis;* (Olavo) *Archiepiscopo Upsalensis; Magno Regi (Svecie &) Norvegiae.* L. a. & d. iisd. Eadem de re. — Indid.

K 3.

18. Karolo

(r) Emendari ex his debent, quæ de anno *Israeli* emortuali (1231 pro 1229) & electione *Egisti* (quam a Capitulo Arciensi factam, ipsumque *Priorem* fuisse Dominicanorum, temere conjicit) habet RHYZELIUS I, c. P. I p. 252.

19. Karolo (s) Archiepiscopo Lundensi, Johanni (t) Episcopo Roskildensi, & Petro Gervasi Canonico Ecclesie Sancti Evodii Aniciensis, Apostolice Sedis Nuncius. Avinione IV Nonas Augusti, Pontificatus A. XIV (d. 2 Aug. 1330). Mandatur iis, ut Decimam sexennalem in subsidium Terræ Sanctæ in Dania & Svecia collectam, vel adhuc residuam, diligenter exigant & in tuto collacent, donec Papa quid de illa facere porro debeant, illis significaverit.. — Ex Codice Archivi Secreti Vaticani, in quo habentur rationes accepti per Petrum Gervasii Nuntium & Collectorem Apostolicum in Dacia, Svecia & Norvegia, ex censibus Romanæ Ecclesiæ, ex decima sexennali, ex legatis in subsidium Terræ Sanctæ, & ex fructibus Beneficiorum vacantium, ab a. 1331 ad a. 1334.

Adjungitur scriptum sequens: "Anno Dni MCCCXXX,  
"die XXIV Mensis Novembris, ego Petrus Gervasi Can. Ecclesie  
"Sancti Evodii Aniciensis, Sedis Apostolice Nuncius ad Regnum Da-  
"cie pro infrascriptis Ecclesie Romane negotiis destinatus, exivi  
"civitatem Avenionensem, & (iter) meum ad dictum Regnum  
"continuando, & veniens ad partes Regni ipsius requisiui D:nos  
"Karolum Archiepiscopum Lundensem & fratrem Johannem E-  
"piscopum Roskildensem connuncios & collegas meos, ut in nego-  
"ciis procederent una mecum, quibus recusantibus procedere & ex-  
"cusantibus se propter guerrarum discrimina, quæ tunc erant & adhuc  
"sunt in partibus illis, processi ego solus in dictis negociis virtute  
"literarum Apostolicarum, quarum tenor talis est. (Inseritur Bul-  
la Papalis nuperrime commemorata). "Quarum auctoritate ego  
"su-

(s) Erici, Röd, Cfr. RHYZELIUS I, c. P. II p. 20 sq. & PONTOPPIDAN I,  
c. p. 54.

(t) Cfr. PONTOPPIDAN I, c. p. 52.

"supradictus Petrus Gervafii recepi pecunias infra scriptas de cen-  
"su seu denario memorato" (u).

20. *Egisto Episcopo Arosiensi.* *Ibid. VII I Januar. A. XV*  
(d. 6 Jan. 1231). Permittitur Episcopo, quum Ecclesiam Arosiensem, cuius redditus trecentorum & viginti florenorum auri de Floren. secundum taxationem decimæ, valorem annum non excedere docuerat, invenisset propter senium & diutinas infirmitates Episcopi *Israelis* in bonis temporalibus totaliter devastatam, quumque in eadem ecclesia non nisi V Præbendæ Canonicales & una Præpositura existat, & parochiales ecclesiæ totius Dioecesis sexagenarium numerum non attingant, nullaque regularis aut collegiata Ecclesia, nec Abbatia etiam ibidem sit, ipseque Episcopus, pluribus oneribus debitorum oppressus, per se, non posset ad restorationem dictorum bonorum absque subditorum suorum subsidio resurgere, nec evadere vincula debitorum; ut ab omnibus & singulis Ecclesiis ac locis ecclesiasticis eorumque personis non exemptis, suæ Dioecesis, moderatum subfundum petat. — Indid A. XV P. 4 Ep. 540.

21. *Eidem. L. a. & d. iisd.* Conceditur ei potestas tribus personis idoneis beneficia ad Sedem Apostolicam devoluta conferendi. — Indid. A. XV P. 4 Ep. 541.

22. *Universis Christi fidelibus presentes literas inspecturis.* *Ib. XII Kal. Auguſti, A. XV* (d. 21 Julii 1231). Indulgientiae omnibus, in certis festivitatibus Ecclesiam Linopensem visitantibus, conceduntur. — Indid. A. XV P. 3 Ep. 1485.

23. *Universis &c.* *Ib. VIII Idus Januar. A. XV* (d. 6 Jan. 1231)

(u) De quæstore hoc Apostolico atque collecta ab eo pecunia, cfr. LAGERBRING 1, c. C. V §. 3.

1231). Similes Indulgentiae conceduntur omnibus, in certis festivitatibus Ecclesiam Arosensem visitantibus. — Indid. A. XV P. 4 Ep. 537.

24. (Olavo) Archiepiscopo Upfalenſi. Dat. VI Id. Febr. A. XVI (d. 8 Febr. 1232). Literæ Commendatitiae pro M. Petro Gervasii, Canonico Vivariensi, Apostolicæ Sedis Nuntio, ad eas partes pro certis eidem commissis negotiis (ad pecuniam colligendam) misso (v). — Indid. A. XVI N:o 1363.

25. Univerſis Christi fidelibus. Ibid. V Kalendas Junii A. XVI (d. 28 Maii 1232). Indulgentiae (petente Styrberno Episcopo) per triennium conceduntur omnibus, certis diebus festis Ecclesiam Strenginensem (tanquam novellam) visitantibus. — Indid. A. XVI P. 2 Ep. 1367.

26. (Petro (x)) Archiepiscopo Upfalenſi, & Magistro Gerwasio (y) Canonico Vivariensi, Apostolice Sedis Nuntio. Avenione IV Idus Decembris A. XVII (d. 10 Dec. 1232). Innotuerat Papæ, Egislum Episcopum Arosensem asserere, sibi a Pontifice fuisse concessum, ut in qualibet Diœcesi Provinciæ Upfalenſis de beneficiis ecclesiasticis cum cura vel sine cura, etiam dignitatibus, personatibus & officiis ibidem consistentibus, quorum collatio ad Sedem Apostolicam eset devoluta, tribus personis providere valeret duabus partibus redditum, a tempore vacationis, & tertiam partem residuam sibi pro suis & Ecclesiæ suæ Arosensis necessitatibus applicare; & insuper per se posse de fructibus beneficiorum ecclesiasticorum trium Diœcesium ejusdem Provin-

(v) Vid. supra p. 78 N:o 19.

(x) Philippi. Cfr. RHYZELIUS I. c. P. I p. 39.

(y) Petro Gervasii, a Papa nuper commendato.